

之若辰申生人有年月日時災厄者請廉貞星君解除之若巳未生人有年月日時災厄者請武曲星君解除之若午生人有年月日時災厄者請破軍星君解除之乞使非禍不侵災衰蕩滌魂神安鎮夢寐正真道氣內滋元和溥洽宿殃洗滌冤債消平疫癘不侵祿壽增益存亡被澤眷屬霑榮即荷眾聖護持之恩至真垂憫之賜上明

十二願

復爐

謹攝者官使者左右龍虎君侍者諸靈官當令臣向來靜夜行道之所自然生金液丹碧芝英百靈眾真交會在此香火爐前當願十方仙童玉女接待蘭煙傳臣向來所啓之誠速達徑御

出堂頌 出戶

至真無極大道昊天玉皇上帝御前

道門科範大全集卷之五十七

廣成先生杜光庭制定

北斗延生儀

設醮行道

陸壇法事如式

各禮師存念如法

宣衛靈呪

五星列照煥明五方 水星却災 木德致昌 熒惑消禍 太白辟兵 鎮星四據 家國利亨 名刊玉簡 字錄帝房 乘鸞散景 飛騰太空 出入冥無 遊宴十方 五雲浮蓋 招神攝風 役使萬靈 上衛仙翁 和與道合真

鳴法數二十四通

無上三天玄元始三炁太上道君太上老君 召出戶身中三五功曹左右官使者左右捧香驛龍騎吏侍者金童傳言散花玉女五帝 直符直日香官合三十六人出出者嚴裝顯服冠帶垂纓闕啓玄壇土地方域神真臣令 靜夜行道謹奏為入憲其諸忱悃已錄告聞 願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天玉皇上帝御前

請稱法位

具位臣某等謹同誠上啓

虛元自然元始天尊太上大道君太上老君 昊天玉皇上帝九皇上帝真十方已得道大聖 眾至真諸君丈人三十六部尊經玄中大法 師圓宵玄象日月星辰北斗尊帝七元輔弼 星君南極大帝丈人司馬六司星君本命元 辰洞天海嶽三界官屬一切真靈臣等伏聞 人身難得中土難生假使得生正法難遇茲 仙經之所載非道力以難諧能起信心定由 夙習况我舍元之極常為真聖之宗玄德巍 巍明威赫赫慕之者出生離死奉之者保命 延年深妙難窮存亡永賴懸官某等一心歸 命萬慮屏除謝天地之生成感陰陽之化育 孜孜不倦肅肅彌加準式奉章依儀悔過信 道心之深重脩典禮之精嚴用罄禱祈仰惟 孚應伏願日月賜照臨之德乾坤全覆戴之

功恩同雨露之私澤比山河之大使奉道黜
官其等頃消危厄立保康寧長符應驗之文
永合通靈之呪三台五緯溥施救護之仁萬
聖千真悉效扶持之信言猶未已誠復有加
將一一以皈依盡區區而讚禮庶昭凡懇上
格天心願冀感通永資福壽臣與醮官合壇
衆等不任激切願俟之至誠惶誠恐稽首再
拜奉迎
聖駕

降真 獻茶 初獻 散花

具位 臣等謹重誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓宮玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣等伏聞
巍巍功德已深歸慕之誠抑成儀將遂馨
香之薦元酒上質祈有合於天心行潦由中
敢式昭於帝座上願北斗七元星君威容自

在聖德恢張妙萬物以無私度羣生而不息
永廓高明之鑒長敷造化之仁使醮官共克
副凡心無違至願披恩光而烜赫漸惠澤以
清涼臣等虔奉之至持北斗七元尊號吉祥
聰明神呪

北斗七星 玉真仙靈 貪狼巨門 保巨長榮
祿存文曲 使臣聰明 廉貞武曲 衛臣安寧
破軍輔弼 護臣身形 恒居吉慶 永處福齡
注上生籍 除落死名 神清氣朗 洞達幽明
禦邪攝鬼 羣妖推傾 學道修真 我願合成
七元扶衛 飛昇紫庭 弟子皈命 願得長生

上香 亞獻 散花

臣謹重誠上啓
闔座應感一切真靈臣等伏聞天恩罔極圖
報斯難誠意有加懇懇冀俸再酌玄明之酒
仰酬昭鑒之威上願北斗七元星君幹造化
於乾坤運變通於品類與天合德長垂溥博
之仁以道為心無有聖凡之間使醮官共精
誠感格志願圓諧萬福來同千災永息臣等
不任虔祝懇禱之至持北斗七元消災延壽

神呪

北斗九辰 中天大聖 上朝金闕 下覆崑崙
調理綱紀 統制乾坤 大魁貪狼 巨門祿存
文曲廉貞 武曲破軍 高上玉皇 紫微帝君
大周天界 細入微塵 何災不滅 何福不臻

元皇正炁 來合我身 天罡所指 晝夜常輪
俗居小人 好道求靈 願見尊儀 永保長生
三台虛精 六溥曲生 生我養我 護我身形
弟子皈命 願保長生

上香 終獻 散花

臣謹重誠上啓

虛无自然元始天尊太上大道君太上老君
昊天玉皇上帝九皇上真十方已得道大聖
衆至真諸君丈人三十六部尊經玄中大法
師圓宮玄象日月星辰北斗尊帝七元輔弼
星君南極大帝丈人司馬六司星君本命元
辰洞天海嶽三界官屬一切真靈臣等伏聞
祇嚴天道須憑三獻之誠誓戒凡心敢墮七
元之賜恩將畢集誠則無窮上願北斗七元
星君永垂盼鑒之仁長賜生成之澤使醮官

某等除殃滅罪薦福延生冥冥悉遂於感通赫赫承昭於眷祐臣等不任再三懺謝虔祝之至持大聖北斗救苦神呪

- 大聖北斗七元君 能解三災厄
- 大聖北斗七元君 能解四殺厄
- 大聖北斗七元君 能解五行厄
- 大聖北斗七元君 能解六害厄
- 大聖北斗七元君 能解七傷厄
- 大聖北斗七元君 能解八難厄
- 大聖北斗七元君 能解九星厄
- 大聖北斗七元君 能解夫妻厄
- 大聖北斗七元君 能解男女厄
- 大聖北斗七元君 能解產生厄
- 大聖北斗七元君 能解復連厄
- 大聖北斗七元君 能解疫癘厄
- 大聖北斗七元君 能解精邪厄
- 大聖北斗七元君 能解虎狼厄
- 大聖北斗七元君 能解蟲蛇厄
- 大聖北斗七元君 能解劫賊厄
- 大聖北斗七元君 能解枷棒厄

- 大聖北斗七元君 能解橫死厄
- 大聖北斗七元君 能解呪誓厄
- 大聖北斗七元君 能解天羅厄
- 大聖北斗七元君 能解地網厄
- 大聖北斗七元君 能解水火厄
- 大聖北斗七元君 能解刀兵厄
- 大聖善通靈 濟度諸厄難
- 奉請七元君 若有急告者 持誦保安寧
- 超出苦衆生 咸契於五星 三魂得安健
- 盡憑生百福 邪惡不能停 五方降真炁 萬福自來并
- 長生超八難 皆由奉七星 生生身自在
- 世世保心清 善似光中影 應如谷裏聲
- 三元神共護 萬聖眼同明 無災亦無障
- 永保道心寧 弟子歸命禮 願得壽長生
- 具位臣等某與闔壇眾官等謹重誠上啓
- 虛元自然元始天尊太上大道君太上老君
- 昊天玉皇上帝九皇上真十方已得道大聖
- 衆至真諸君丈人三十六部尊經玄中大法
- 師圓宮玄象日月星辰北斗尊帝七元輔弼
- 星君南極大帝丈人司馬六司星君本命元

辰洞天海嶽三界官屬一切真靈臣聞大古道全人皆守樸下元數盡世並澆濁大聖垂慈諸天開悔依科降聖用洗滌於凡心准教修辭允哀憐於帝座告成禮物同菲薄之贖繁畢獻酒漿類濁汗之行潦但昭志信以罄丹誠用伸悔過之儀願助還淳之性庶不罹於咎犯將獲免於愆尤禮與誠隆言隨意切備威儀於此日達詞意於今時願降節霓旌難久留於下土而雲車鶴蓋亦將返於上宮願賜恩波永流惠澤益茂生成之德彌隆覆育之恩克慰凡情孔昭天道使離官某南宮注祿北府除殃戶納千祥門招百福子孫有衍疾疫無侵潛消水火之災明保公私之吉祖先解脫冤債超昇所願皆成無求不獲仰賴無極之慶長臻莫大之休然念臣法衆等濁惡仍存塵勞未滌外之威儀之具內忘精一之心未能遠降休祥或復先招過咎思惟北斗七元星君合座真聖矜哀惠昧咸在赦原是嚮是宜承副虔恭之請如箕如翼至承遐遠之恩拜送雲輶不勝依戀臣與離官無

任瞻望
聖駕激切奉辭依皈之至以聞

十二願

復爐

謹攝香官使者左右龍虎君侍香諸靈官當

今臣向來靜夜行道之所自然生金液丹碧

芝英百靈眾真交會在此香火爐前當願十

方仙童玉女接侍蘭煙傳臣向來所啓之誠

速達徑御

至真無極大道

昊天玉皇上帝御前

出堂頌 出戶

送聖

道門科範大全集卷之五十七

道門科範大全集卷之五十八同卷十九 卷六

廣成先生杜光庭制定

北斗延生懺燈儀

法事如常

念天地自然况 洒淨

具位臣某謹同齋主某等同發虔誠焚香供

養 北極紫微大帝北斗天英貪狼星君天任巨

門星君天柱祿存星君天心文曲星君天禽

廉貞星君天輔武曲星君天衝破軍星君左

輔右弼星君北宮眾聖伏望真慈降格燈壇

證盟祈禱入意伏聞元始開教普及於羣生

太上垂慈咸臻於衆品是以琅函玉笈顯示

齋科金簡瑤編敷宣離法大啓祈禳之路廣

垂懺謝之儀凡稟生成實宜信奉今有修齋

弟子某等幸蒙真籙長處照辰但資當修之

情莫悟操修之理竊惟年運恐處災纏是用

按黃錄之真儀法雲天之列宿精虔醮座建

立星壇法乾象之圓隨斗杓之建華光照曜

資續明破暗之功仙梵虛徐達薦福拔亡之

懇上願天真願享仙馭退臨鑒茲虔禱之誠

賜以殊祥之慶災消此日福降今辰果沐恩

光萬生抃悅稽首皈依虔誠讚詠

臣眾等至心皈命樞宮貪狼陽明真星君

斗中神仙和諸靈官

臣等仰惟真君運轉圓宮神配道樞之動主

張高漢功儀天德之清上符乾健之尊下鎮

羸秦之分統臨陽德崇號正星永耀神光潛

扶聖主克保萬年之慶長令下土之安妙化

永孚玄功罔測今奉道某仰託恩佑幸與人

倫既蒙臨照之光敢效皈依之志謹依科式

建立星壇備列香燈嚴陳法信皈命子生人

本命所屬北斗大聖貪狼星君伏願天心降

佑聖力扶持著生算於青書削過尤於黑簿

禎祥畢至善既來臻稽首皈依虔誠讚詠

信禮高上紫微垣北斗第一貪狼星君

貪狼延生 回真四靈 流暉下映 洞達元冥

七元紀籍 名列紫庭 保身續壽 永享利貞

耳目開爽 魂魄長寧 攝養精炁 與神同明

延生自然 上昇玉清 願得長生